

Hojii limaana diigu-Kutaa 7.1

Description

Kutaa darbee irraa itti fufuun hojii iimaana diigu ni ilaalla. Kutaa kana keessatti Kaâ€™abaan alatti wanta biraat irratti xawaafa gochuun shirkii fi hojii iimaana diigu akka taâ€™e ni mirkaneessinna

(C)-Xawaafatti yoo dabarre immoo, xafaawni shirkii taâ€™uu Rabbiin ala wanta biraatti dhiyaachuuf xawaafa Kaâ€™aban alatti godhamuudha. Kan akka qabrii, hujubaa fi kkf irra naannaâ€™u (xawaafa gochuu). Rabbiin subhaanahu wa taâ€™aalaaakkana waan jedheef xawaafni ibaadadha:

ثُمَّ لِيَقْضُوا تَفَثِّهُمْ وَلِيُوفُوا نُذُورَهُمْ وَلِيَطَوَّفُوا
بِالْبَيْتِ الْعَتِيقِ



â€œ**Sana booda xuriwwan isaanii haa dhabamsiisan, qodhaa (silati) isaaniis haa guutan, Mana duriis (Kaâ€™abaa) haa naannawan (xawaafa godhan)**â€ Suuratu Al-Hajj 22:29

Ibaadaa ykn ibaada irraa wanta tokko Rabbiin ala kan biraatiif gochuun shirkiidha. Osso Rabbiitti dhiyaachuf qabrii irra naannaâ€™e (xawaafa godhee), kuni dhoowwamaadha, bidâ€™aa fokkuudha, karaa qabrii tana itti gabbaraniidha.

Dhimma kana ilaachise ibn Taymiyaan ni jedha: Namtichi abbaa isaa irraa hajji akka hajju barbaade. Ergasii abbaanis matama isaa irra akka naannaâ€™u ajajeeakkana jedhe: Mana irra naannaâ€™i, Rabbiin libsu ijaatif sirraa addaan hin bahu.â€ Akka wali galtee Muslimootatti kuni kufriidha. Kaâ€™abaa irra naannaâ€™un wanta Rabbii fi Ergamaan Isaa ajajaniidha. Nabiyootaa fi saalihota irra xawaafa gochuun immoo akka wali galtee Muslimootatti haraaama. Namni kana akka amantiitti amane, inni kaafira.â€ (Majmuuâ€™al Fataawaa 2/308)

Ammas ni jedha: â€œAkkuma Kaâ€™aba irra xawaafni godhamu dachii keessa iddoon xawaafni itti godhamu hin jiru. Namni Kaâ€™aban alatti xawaafni hayyamama akka taâ€™etti amane, nama Kaâ€™aban ala gara biraatti garagalanii salaatuun ni hayyamama jedhee amane caalaa badaadhaâ€â€ (Majmuuâ€™al Fataawaa 27/10=gabaabbinnaan)

3-Murtiin hojiwwan kanniinii erga mirkanaaâ€™e, akkaata gochoonni kuni kufrii itti taâ€™an haala kanaan gabaabsun ni dandaâ€™ama:

(A)-Gochoonni kunniin shirkii tawhiida ibaadaa diiganiidha. Qalmii, nazriin akkasumas, sujuunni, rukuâ€™uni, xawaafni ibaadaa Rabbiif malee homaafu gochuun hin dandaâ€™amne erga taâ€™anii, namni wanta Rabbiif malee homaafu hin taane, Rabbiin ala wanta biraatiif mirkaneesse ykn godhe, inni

kaafira. Sababni isaas, shirkiin guddaan ibaada irraa gosa ykn wanta tokko Rabbii oltaâ€™aan ala kan biraatiif gochuudha. Ibaadan shariâ€™aa fi Isa jaallachuu daangaa olâ€™aanaa irra gahe waliin Rabbiif gadi of xiqqeessu of keessatti qabata. Akkuma Ibn Taymiyaan jedhu: â€œIlaah qalbiin jaalala, ol-guddisuu, kabaja, sodaa, abdachuu guutuunii fi kan kana fakkaataniin kan gabbaruuudha.â€ (Al-Ubuudiyyah fuula 51)

Akkuma beekkamu, qalmii, nazriin, sujuunni, rukuuâ€™a, xawaafa fi kkf ibaadaa gadi of qabuu, sodaa, kabajuu, abdachuu, jaallachuu fi itti dhiyaachu of keessatti qabataniidha. Ibaadawan kunniin Rabbiif qofa yoo godhaman, kun iimaana fi tawhiida. Yoo Rabbiin ala kan biraatiif godhaman immoo kuni kufriidha.

(B)- Ibaadawan kanaan namni Rabbii oltaâ€™aan ala kan bira a niyyatee fi godheef, dhugumatti, makhluuqa dadhabaa Khaaliqa abbaa humnaa, Dandaâ€™aa taâ€™een wal fakkesse. Saniifi, ibn Al-Qayyim akkana jedha: â€œAmaloota addaa gabbaramaa qofaaf taâ€™an keessaa tokko: ibaadan mogolee lama irra dhaabbathee Isaaf taâ€™uudha. Isaanis:*jaalala daangaa olâ€™aanaa irra gahee fi gadi of xiqqeessu daangaa olâ€™aanaa irra gaheedha* Kuni guutummaa ibaadati. Kana keessatti hamma hundee lamaan kanaan wal caalaniin sadarkaan uumamtootaa wal darba. Namni jaalala, gadi of xiqqeessu fi gadi of qabuu isaa Rabbiin ala kan biraatiif kenne, haqa Isaa qulqulluu keessatti Isatti fakkeesse jiraâ€! Hanga akkana jedhuutti, amaloota gabbaramaa qofaaf taâ€™uu qaban keessaa tokko sujuuda. Namni Isaan ala kan biraatiif sujuude, makhluuqa Isatti fakkeesse jira. Ammas, tawakkula. Namni Isaan ala kan bira a irratti hirkate (tawakkula godhe), Isatti fakkeesse jira. ammas, tawbaa. Namni Rabbiin ala gara biraatti tawbate, Isatt fakkeesse jira.â€ (Al-Jawaabul Kaafi-fuula 183=gabaabbinnaan)

Kitaaba bira a keessattis ni jedha: sababoota sanamoota gabbaraniif keessaa: *makhluuqa keessatti daangaa darbuu* fi hanga gabbari irraa *qooniisaaf godhamutti sadarkaa isaati olisa olkaasudha*. Makhluuqa kana Rabbiitti subhaanahu fakkeessan. Kuni fakkeessaa ummatoota keessatti argamuudha. Rabbiin kana ni haaqe, mormuu fi warra isaa irratti deebii deebisuuf Ergamtoota ni erge, kitaabban ni buuse.

Warri shirkii nama ol-guddisanii fi jaallatan keessatti, hanga wanta kana Khaaliqatti fakkeessanii fi amaloota addaa Gabbaramaaf taâ€™ee isaaf kennan gahanitti daangaa darban. Inumaa inni gabbaramaadha (gooftadha) jechuun ifatti labsan. Gabbaramtoota gabbaramaa tokko gochuu ni morman. Ni jedhan:

أَجْعَلَ الْأَلِهَةَ إِلَهًا وَاحِدًا إِنَّ هَذَا الشَّيْءٌ عَجَابٌ
5

وَأَنْطَلَقَ الْمَلَائِكَةُ مِنْهُمْ أَنْ أَمْشُوا وَأَصْبِرُوا عَلَىَّ إِلَهَتَكُمْ إِنَّ هَذَا الشَّيْءٌ عَجَابٌ
6

يُرَادُ

â€œ**Sila gabbaramtoota gabbaramaa tokko godhee? Dhugumatti kuni wanta ajaaâ€™ibaati. Isaan (mushrikoota) keessaa namoonni gurguddoон deemanii, â€œDeemaa, gooftolee keessan [gabbaruu] irratti obsaa, dhugumatti inni kuni wanta barbaadamudha.**â€ Suuratu Saad 38:5-6

Ammas, wanti mushrikooni gabbaran ilaah gabbaramaa abdatamu, sodaatamu, ol-guddifamu, isaaf sujuudamu, wantoonni isaaf dhiyefaman akka taâ€™ee fi ibaadaa biroo Rabbiif malee homaafu hin taane akka isaaf taâ€™u ifatti labsan. Mushrikni hundi wanta gabbaruu Rabbiitti kan fakkeessudha. Osoo gara hundaan Isatti fakkeessu baateyyu.â€ (Ighasatu Lahfaani 2/322-323=gabaabbinnan)

Date Created

March 23, 2021

Author

admin